

Gwasanaethau Radiotherapi ar gyfer De Ddwyrain Cymru ac adeiladu Canolfan Radiotherapi Lloeren

Radiotherapi ydy defnyddio ymbelydredd (Pelydrau-X) i drin canser, a bydd tua hanner yr holl gleifion canser yn cael radiotherapi fel rhan o'u triniaeth canser. Fodd bynnag, disgwylir i nifer y bobl fydd yn cael eu diagnosio gyda chanser gynyddu mwy na 2% bob blwyddyn, a bydd y cleifion hyn angen triniaeth.

Mae'r broses ymgysylltu hon yn gofyn am farn y cyhoedd ynghylch y bwriad i agor Canolfan Radiotherapi Lloeren yn Ysbyty Nevill Hall yn y Fenni, yn ychwanegol at y ganolfan Radiotherapi bresennol sydd wedi'i lleoli yng Nghanolfan Ganser Felindre yng Nghaerdydd. Mae Ymddiriedolaeth GIG Prifysgol Felindre (VUNHST) a Bwrdd Iechyd Prifysgol Aneurin Bevan (ABUHB) yn arwain y prosiect hwn gyda'i gilydd.

Mae'r holl Fyrddau Iechyd yn Ne Ddwyrain Cymru yn cefnogi'r cynllun a'r cais i adeiladu Canolfan Radiotherapi Lloeren.

Ar hyn o bryd, dim ond yng Nghanolfan Ganser Felindre yng Nghaerdydd mae radiotherapi'n cael ei ddarparu, lle mae 4,600 o bobl yn cael eu trin ar hyn o bryd. Rydym yn gwybod drwy'r adborth a dderbyniwn fod y gwasanaeth clinigol sydd yn cael ei ddarparu gan Ganolfan Ganser Felindre yn cael ei ystyried yn rhagorol, ond bod teithio i gael triniaeth radiotherapi yn gallu bod yn heriol ac yn straen.

Bydd y ddwy ganolfan yn darparu amrywiaeth o driniaethau radiotherapi. Bydd y ganolfan Loeren yn trin cleifion gofal lliniarol, a chleifion sydd â chanser y prostad a'r fron i ddechrau. Yn y dyfodol, y bwriad yw trin mathau eraill o ganserau yno hefyd.

Bydd y ganolfan loeren o fudd i bob claf sy'n cael triniaeth radiotherapi ar draws De Ddwyrain Cymru, gan y bydd yn darparu mwy o gyfleusterau i drin cleifion. Bydd cleifion sy'n byw yn ardaloedd Powys, gogledd Aneurin Bevan a gogledd Cwm Taf Morgannwg yn elwa ar amseroedd teithio llawer is.

Rhagwelir y bydd y Ganolfan Loeren yn elwa o'r canlynol bob blwyddyn:

- tua 3,000 o apwyntiadau cynllunio radiotherapi
- tua 1,000 o gleifion newydd a fydd yn dechrau radiotherapi
- tua 9,500 o apwyntiadau triniaeth

Rhagwelir y bydd y Ganolfan Radiotherapi Lloeren yn agor yn 2023/24.

I grynhoi, rydym yn credu bod angen Canolfan Radiotherapi Lloeren i ddarparu gofal yn nes at adref, a fydd yn arwain at:

- well mynediad i radiotherapi
- well profiadau a chanlyniadau i gleifion
- ansawdd gofal gwell
- gynydd yn nifer y peiriannau linac, o 8 i 10